



Broj: 06-02-14785/23  
Sarajevo, 04.05.2023. godine

**Kantonalna uprava za  
inspekcijske poslove  
Ul. Aleja Bosne Srebrene bb  
71 000 Sarajevo**

**PREDMET: Odgovor na upit o primjeni i tumačenju Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21) dostavlja se;**

**VEZA: Vaš Akt, broj: UP-1-14-09-30-06741/23 od 20.04.2023. godine**

Ministarstvo za boračka pitanja Kantona Sarajevo je dana 24.04.2023. godine zaprimilo – zahtjev za tumačenje, kojim tražite tumačenje Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20 i 27/21), ( u daljnjem tekstu: Uredba ).

U Vašem upitu su postavljena slijedeća pitanja:

1. "Da li se period manji od mjesec dana provedenih u oružanim snagama računa kao puni mjesec? "
2. „Da li kandidat ukoliko je dostavio potvrdu poslodavca da je zaposlen na određeno vrijeme u roku koji je ostavljen u javnom oglasu ima prava po Uredbi?"

Odgovori na postavljena pitanja su:

1. Za situacije koje su nejasne i koje nisu detaljno uređene Uredbom i Instrukcijom o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i



članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo” br. 38/20 i 28/21) nadležan organ za tumačenja i mišljenja je Vlada Kantona Sarajevo, a obzirom da je ministarstvo za boračka pitanja Kantona Sarajevo predlagatelj ove Uredbe, samim tim je pozvano da daje relevantna tumačenja i mišljenja po ovom osnovu.

Pozitivno pravna praksa grupa za pitanje evidencija iz oblasti vojne obaveze, kao i ministarstva za boračka pitanja Kantona Sarajevo je da se period od 15 dana i više učešća u Oružanim snagama Armije RBiH računa kao puni mjesec. Ovakvo stanje je najlakše činjenično utvrditi sa obrascom FMB-3a.

Ministarstvo za boračka pitanja Kantona Sarajevo je službenom provjerom i komunikacijom sa Federalnim ministarstvom za pitanja boraca/branitelja i invalida odbrambeno/oslobodilačkog rata, odsjekom za vojne evidencije Kantona Sarajevo i općinskim grupama za pitanja evidencija iz oblasti vojne obaveze utvrdilo slijedeće činjenično stanje:

- Postoji više obrazaca uvjerenja o pripadnosti Oružanim snagama Armije RBiH koje izdaju općinske grupe za pitanja evidencija iz oblasti vojne obaveze, ovisno o zahtjevu stranke.
- Obrazac FMB-3a je najkompletniji i najadekvatniji za dokazivanje pripadnosti boračkoj populaciji za demobilisane borce/branitelje, jer se ukupna pripadnost zaokružuje na mjesec.
- Federalno ministarstvo za pitanja boraca/branitelja i invalida odbrambeno/oslobodilačkog rata je dana 01.08.2019. godine dopisom broj: 01-41-2402-1/19 pod nazivom **uputa za postupanje** prosljedilo preko odsjeka za pitanje evidencija iz oblasti vojne obaveze za područje Kantona Sarajevo svim općinskim grupama za pitanja evidencija iz oblasti vojne obaveze uputu za postupanje u slučaju da je period učešća u Oružanim snagama Armije RBiH u jednom mjesecu veći od 15 dana, da se u tom slučaju na ukupan broj mjeseci dodaje još jedan mjesec.

Kantonavno javno komunalno preduzeće „Rad” d.o.o. je ministarstvu za boračka pitanja Kantona Sarajevo uputilo pitanje identično Vašem, tako da je odgovor u prilogu ovog akta.

2. Osoba koja je konkurisala za posao, trebala je predati i potvrdu od drugog poslodavca naknadno ali u roku koji je ostavljen, jer je bila u vremenskoj mogućnosti.

Obaveza postoji iz razloga što su okolnosti koje su bitne za utvrđivanje činjeničnog stanja promjenjene, a organ koji provodi konkursnu proceduru nije sa njima upoznat.

Iz navedene potvrde bi se naravno vidjelo da li osoba radi kod novog poslodavca na određeno vrijeme ili na neodređeno.

Ove činjenice nisu navedene u upitu, a od značaja su za pravično i relevantno odlučivanje.



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

2/1

Ukoliko se osoba zaposlila na neodređeno vrijeme za vrijeme trajanja roka za dostavu dokumentacije u tom slučaju prva dostavljena potvrda poslodavca da je zaposlena na određeno vrijeme nije validna, tako da to lice nije korisnik prava iz Uredbe.

Nadamo se da ukoliko u narednom periodu bude ovakvih i sličnih slučajeva da ćete reagovati na adekvatan način i postupiti po svojim nadležnostima u skladu sa članom 7. Uredbe, gdje je propisano da:

”Upravni nadzor nad primjenom ove uredbe vrši Upravna inpekcija Ministarstva pravde i uprave Kantona Sarajevo ukoliko se radi o organima državne službe u Kantonu Sarajevo i **Kantonalna uprava za inspeksijske poslove – Inspekcija rada** ukoliko se radi o pravnim licima sa područja Kantona Sarajevo”.

**Prilog:**

- Uputa za postupanje, broj: 01-41-2402-1/19.
- Odgovor, broj: 06-37-12616/23 od 19.04.2023. godine.

S poštovanjem,

**Obradio :** Hašim Halilović, dipl. pravnik

**Kontrolisao :** mr. Ferida Adilović

**Dostaviti:**

-Naslovu,

ga/a.



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

3/1

